



Äs hätzlechs Wiukomme z'Hindubank!

Mir si dr Jodlerklub Mötschwil, ä chlyne Klub usemä chlyne Ort. Äs si Manne u Froue vo hie u der Umgäbig, wo aui gärn tüe singe u ä Uszyt vom Alltag sueche. Zfriele ha, wei mir's u drum isch üsi Vereins-Agenda nid graglet vou. Zäme teile mir d'Fröid am Jodulied u z'Singe.

D'Mötschwil Jodler hei ihre Ursprung im Nachbar-Dorf. Di beide Gmeinde, Hindubank u Mötschwil, hei sich 2021 zämegschlosse. Värbunge si mir Jodler scho länger mit Hindubank. Hei mir doch hie üses Probelokal, Jahreskonzert u ou süsch si mir hie chli Daheim.

Traditionell isch üses Trachtegwand u üses jährleche Zwirbele z'Mötschwil im Ougschte. Fescht zum Jahresprogramm ghört ou di gmeinsami Reis, z'Konzert u di gsanglechi Umrahmig vom Ärntedank-Gottesdiensch.

Üses Probelokal isch z'Chiuchgmeindhuus z'Hindubank u mir tüe jewyls am Dsichti Abe 20.15 Uhr probe. Im Aschluss hocke mer zäme zum gmüetleche Teil.

Würds di gluschte bi üs cho mit ds mache? Mir fröie üs, über nöi Stimme u Gsichter. Wetsch lieber eifach lose u luege was mir mache. Uf üsere Homepage fingsch du no meh über üs u üser bevorstehende Aläss. U süsch lütisch eifach am Presi a. Gärn darfsch di ou per I-Meil mäude oder eifach einisch am Dsichti cho ycheluege.

Itz wünsche mir dir äs guets yläbe z'Hindubank u bis zum nächste Mal!

Vom wärche müed, däich i am Abe, wenn i doch hüt nid müessti ga. Stah i de aber i dr Reihe vo mine Jodlerlüt i d'Mitti gno. De bini froh, cha i no singe. Ha Fröid wenn's klingt im ganze Chor. Das cha nur schöns i Alltag bringe, ha mängi Melodie im Ohr.

s'Jodlerhärz von Walter J. Stadelmann



Kontakt: jkmoetschwil@bluewin.ch
Presidant Marc Leuenberger 076 488 55 04
www.jk-moetschwil.ch